

328034

咫園叢書

上

祝

壽

萬

書

葉景葵題



檢點存版歸諸葉丈揆初丈固宗先生摯交即以移
贈本館冀護永久曩昔龍承婦兄潘君博山之介獲
識先生於吳門相與討論金石版本引為忘年之契
素慕咫園皮藏之富未及請觀已化雲烟摩挲遺物
益增人琴之感是輯顧嚴二著久播士林惟原刻已
如星鳳求者難得黃錄攷碑工姓名出自創例尚未
問世所撰閩中書畫錄已經本館為之印行得此若
有奇緣東武擅精金石詩文久掩即此鱗爪雖非自
定亦足慰後人之傾慕已爰仍舊名加題書衣刷印
如干部先為流傳志其緣起以告讀者顧廷龍記

金陵古金石攷目序

金陵自勝國而上稱帝都者幾三百年其以形勝爲英
賢所躋名文章之藪澤六代以後未之有改也意古人
所以紀盛德頌成功詔亡窮垂不朽勒諸金石者宜不
可勝數乃繇今攷之上下千餘年間金石之文別見于
傳記者曾不數邁至碑碣之可摹者僅一二斷裂之餘
而已其故何哉夫以陵谷之變遷兵燹之掃蕩橋基柱
礎之摧剝固宜其堙滅而無餘抑或耕耨之所未及樵
斧之所未磨薶翳于苔蘚之中沈淪于泉壤之下其尙
多于人間世之所存未可知也然而卽近者之所僅留

以推遠者之所罕值則知世變之亡常有形之必壞雖金石有不能不渝且盡者所爲詔亡窮而垂不朽又將安寄乎哉醜石之名辱井之字政令不礪亦復何爲余獨惜夫作者憫然謂縑素之壽不足以傳世而行遠也乞乞焉託諸金石以永其文豈意夫百年之後形銷影歇水涸山童銀鉤鐵畫之文螭首龜趺之制嚮所自謂日月常新天壤共敞者亦與蔓草寒煙陰燐野火同變滅于三山二水間也然則人之所爲亡窮不朽其可恃者竟安在哉經國之業播諸金石曾不足恃而彼吳聲妖浮齊音側麗青溪小姑之曲西州估客之歌氣異風

雲情多兒女乃得以悅眾心諧里耳亂雅奏于九成沸
蠅聲于千載方且以瓦缶之鳴笑黃鐘之毀棄以巴人
之和掩白雪之高華得失之理本自不渝成毀之幾壹
何相貿徒短文人之氣長灰志士之心亦可累欬而太
息矣余是以睠言往事采摭遺文凡金石之在金陵見
于傳記者自三代以迄于元疏其題目凡若干首詒諸
好事爲考古之一助云文之存者累什不獲一石之存
者累百不獲一姑以其名載之曰金陵古金石攷目嗟
乎彼固不足恃而此欲其長存此又余之專愚宜爲達
人所姍笑也

萬曆四十有八年庚申上元日江寧顧起元書于歸鴻館之左箱小樓中

咫園叢書目錄

金陵古金石攷目一卷 清江寧顧起元撰

刻碑姓名錄三卷 清海鹽黃錫蕃撰

官閣消寒集一卷 清江寧嚴長明撰

江淮旅稿一卷 清江寧嚴長明撰

嘉蔭移集二卷 清東武劉喜海撰 海寧陳乃乾輯

咫園叢書為上元宗子戴先生舜年編刊以鄉賢遺

著為主甫成三種遽歸道山令子能踵遺

志續獲海鹽黃氏東武劉氏兩種壽諸梨棗遭逢國

難未遽付印咫園藏奔旋亦星散以物力艱難

金陵古金石攷目引書

梁昭明太子文選

陶弘景古今刀劒錄

虞荔鼎錄

歐陽詢藝文類聚

文苑英華

姚鉉唐文粹

歐陽文忠公集古錄

趙明誠金石錄

張敦頤六朝事蹟

鄭樵通志金石略

洪遵泉志

周應合景定建康志

志板在南雍今亡凡五十卷十類疆域山川城闕官守儒學文籍武

衛田賦風

土祠祀

戚光集慶路志

戚光陸游南唐書音釋

張鉉金陵新志

古蹟一類列古碑刻亦詳第多重複錯亂有不可據者

黃佐南雍志

應天府志

上元縣志

劉雨江寧縣志

江寧縣志

焦竑京學志

陳沂金陵世紀

焦竑金陵舊事

周暉金陵瑣事

古今游名山記

金陵梵刹志

金陵玄觀志

金鑾棲霞寺志

金石攷目引書畢

金陵古金石攷目

江寧顧起元泰初輯

夏禹南嶽碑

凡七十七字嘉靖中南禮部尚書湛若水門人摹勒石于新泉書院萬曆初毀書院

石遂歸臨淮侯今在園中見金陵瑣事太常卿楊時喬又重刻于攝山見梵刹志

秦始皇帝東游頌德碑

重摹小字今在應天府學

秦二世東行詔書碑

與前碑為一篇即所謂泰山碑也

秦嶧山碑

重摹小字考槃清事言李西臺建中刻在應天府學今攷金陵新志非也乃元李處巽刻

同山谷城南帖米元章書同置路學耳

吳大帝作大吳刀劒文

二字曰大吳小篆書見陶弘景刀劒錄

吳大泉五百錢大泉當千錢

見洪遵泉志

吳主亮作流光劒文文二字小篆書見刀劒錄

吳國山封禪碑見金陵新志考六朝事蹟封禪乃吳後主碑在義興又歐陽公集古錄云孫皓

天冊元年禪于國山刻石作吳國山碑

吳後主紀吳曆數鼎在蔣山鑄八分書見虞荔鼎錄

吳後主作皇帝吳王劒文文四字小篆書見刀劒錄

吳後主天璽元年紀功碑一曰天發神讖碑一曰三段

石碑金陵新志言華覈文皇象書金陵瑱事又定為蘇建書非篆非隸最為奇古原刻在巖山今在

府學尊經閣下

晉太保王祥墓碑在城西南八十里何湖化成寺側戚氏集慶路志云近姑孰見江寧志

晉王右軍蘭亭記宋紹興中知府事鼂謙之刻于紬書閣見京學志

王右軍樂毅論

歐陽文忠公所藏者不知何人刻于金陵見新志

王獻之洛神賦

晉顧長康維摩居士像碑

宋蘇頌重刻在戒壇寺見新志

晉建威將軍思平縣侯竺使君銘

名瑤在張陣湖見六朝事蹟新志作寧朔

將軍

晉建威將軍思平縣侯竺使君頌

全上

竺使君墓志

新志云在靖安鎮天王院按此恐即前銘頌二碑而訛為志也

宋文帝元嘉四銖錢五銖當兩大錢

見泉志

宋世祖孝建四銖錢

孝建二字薤葉書四銖二字大篆書見泉志

宋前廢帝二銖錢

見泉志

宋中廢帝景和錢小泉直一錢

其文小篆書直一卽所謂鵝眼錢也見泉志

宋後廢帝昱劒銘

二字曰永昌篆書于蔣山頂造見刀劒錄

宋太祖文皇帝之神道碑

見集古錄止太祖以下八字別無文章

宋宗慤母劉夫人墓志

謝眺文宋大明二年立見金石略一作鄭夫人

宋謝濤并夫人王氏墓記

在土山淨名寺見事蹟

宋江夏王義恭湯泉銘

此銘四句似五言詩諸志不載獨見于金陵世紀

齊海陵王昭文墓志

謝眺文并書見沈存中夢溪筆談

齊尚書令王儉正覺寺碑

見江寧志

齊王融游虎穴寺詩

見寺志

齊鎮國大銘像碑

見集古錄

齊侍中尚書令丞相巴東獻武公碑在黃城村見事蹟今棲霞寺側

梁武帝神劒銘

命陶弘景造十二神劒文曰服之者永治四方小篆書

梁武帝五銖錢大吉錢大通錢大富錢見泉志

梁簡文帝善覺寺碑

梁簡文帝湘宮寺碑銘

梁簡文帝智禔法師志銘

梁簡文帝同泰寺正智寂師志銘

梁元帝攝山棲霞寺碑

梁元帝善覺寺碑

梁元帝曠野寺碑